



«ՔԱՂԱՔԱՏԻԱԿԱՆ ԿՐԹՈՒԹՅՈՒՆ ԵՎ  
ՄԱՍՆԱԿՑՈՒԹՅՈՒՆ» ԾՐԱԳԻՐ

# ՈՐՈՇՈՒՄՆԵՐԻ ԿԱՅԱՑՄԱՆ ԳՈՐԾԸՆԹԱՑՆԵՐՈՒՄ ԵՐԻՏԱՍԱՐԴՆԵՐԻ ՆԵՐԳՐԱՎՎԱԾՈՒԹՅԱՆ ՀԱՄԱՊԱՐՓԱԿ ԳՆԱՀԱՏՈՒՄ ԱՄՓՈՓԱԳԻՐ

Երևան, 2023 թ.



ԱՄՓՈՓԱԳԻՐ

ՈՐՈՇՈՒՄՆԵՐԻ ԿԱՅԱՑՄԱՆ

ԳՈՐԾԸՆԹԱՑՆԵՐՈՒՄ ԵՐԻՏԱՍԱՐԴՆԵՐԻ  
ՆԵՐԳՐԱՎՎԱԾՈՒԹՅԱՆ ՀԱՄԱՊԱՐՓԱԿ  
ԳՆԱՀԱՏՈՒՄ

Հեղինակ՝ Աննա Գևորգյան

Սույն հետազոտությունը ստեղծվել է Մարդկային զարգացման միջազգային կենտրոնի պատվերով «Քաղաքացիական կրթություն և մասնակցություն» ծրագրի շրջանակում, որը ֆինանսավորվում է ԱՄՆ Միջազգային զարգացման գործակալության (ԱՄՆ ՄԶԳ) կողմից:

Ծրագիրը իրականացվում է «ՓԻ-ԷՅՁ Ինթերնեշնլ» կազմակերպության և իր ենթադրամաշնորհառուների կողմից:

Ծրագիրը հնարավոր է դարձել Ամերիկայի Ժողովրդի աջակցությամբ՝ ԱՄՆ ՄԶԳ միջոցով: Այստեղ ներկայացված բովանդակությունը ՓԻ-ԷՅՁ Ինթերնեշնլի ենթադրամաշնորհառու Մարդկային զարգացման միջազգային կենտրոնինն է, և պարտադիր չէ, որ արտահայտի ԱՄՆ ՄԶԳ կամ ԱՄՆ կառավարության տեսակետները:

Պայմանագիր N 72011122CA00001

© Մարդկային զարգացման միջազգային կենտրոն, 2023

## ԵՐԱԽՏԻՔԻ ԽՈՍՔ

Մենք ցանկանում ենք մեր երախտագիտությունը հայտնել բոլորին, ովքեր աջակցել են ՄԶՄԿ հետազոտական թիմին Հայաստանում որոշումների կայացման գործընթացում երիտասարդների ներգրավվածության համապարփակ գնահատման ընթացքում (ԵՆՈԿԳՀԳ): Հատուկ շնորհակալություն Մանե Թորոսյանին, ով իր ներդրումն է ունեցել այս զեկույցի մի քանի բաժիններում և կառուցողական կարծիք է ներկայացրել այս զեկույցի նախագծերի վերաբերյալ:

Ցանկանում ենք անկեղծորեն շնորհակալություն հայտնել տարբեր տարիքի բոլոր երիտասարդներին, ովքեր ֆոկուս խմբերի քննարկումների և հարցազրույցների ժամանակ ազատ և անկաշկանդ կիսվել են որոշումների կայացման մեջ երիտասարդների ներգրավվածության վերաբերյալ իրենց տեսակետներով:

Ցանկանում ենք նաև մեր խորին երախտագիտությունը հայտնել պետական գերատեսչությունների, քաղաքացիական հասարակության կազմակերպությունների, միջազգային զարգացման գործընկեր կառույցների ներկայացուցիչներին և անկախ փորձագետներին, ովքեր պատրաստակամորեն ժամանակ հատկացրեցին մեզ, կիսվելով Հայաստանում երիտասարդական քաղաքականության և պրակտիկայի վերաբերյալ իրենց անգնահատելի պատկերացումներով՝ թիրախավորելով երիտասարդների ներգրավվածությունը որոշումների կայացման մեջ:

Ցանկանում ենք առանձնահատուկ շնորհակալություն հայտնել Արմավիրում գործող «Արմավիրի զարգացման կենտրոնի» և Գորիսի «Գործընկերություն և ուսուցում» ՀԿ-ի փորձագետներին, ովքեր հնարավոր դարձրեցին Արմավիրի և Սյունիքի մարզերի նախնական տվյալների հավաքագրումը:

Մենք նաև ցանկանում ենք շնորհակալություն հայտնել ԱՄՆ ՄԶԳ-ին ԵՆՈԿԳՀԳ-ն հնարավոր դարձնելու համար:

## ՀԱՄԱՌՈՏ ՆԿԱՐԱԳԻՐ

Որոշումների կայացման գործընթացում երիտասարդների ներգրավվածության համապարփակ գնահատումը (ՈԿԳԵՆՀԳ) պատվիրվել է Մարդկային զարգացման միջազգային կենտրոնի (ՄԶՄԿ) կողմից 2022 թվականի հուլիսին՝ նպատակ ունենալով բացահայտել որոշումների կայացման մեջ հայ երիտասարդների ներգրավվածության ուժեղ կողմերը, բացերը, մարտահրավերները և հնարավորությունները:

Այս ուսումնասիրությունը հաշվի է առել 2019 թվականին Making Cents-ի կողմից իրականացված Հայաստանի երիտասարդական իրավիճակի վերլուծության արդյունքները (Making Cents, 2019թ.): 2019 թվականի ուսումնասիրությունը նշանակալի տվյալներ է հավաքել Հայաստանում երիտասարդության իրավիճակի վերաբերյալ, մասնավորապես՝ 2018 թվականի թավշյա հեղափոխությունից հետո:

Այնուամենայնիվ, թարմացված տվյալների անհրաժեշտությունը հրամայական էր՝ վերջին հինգ տարիներին Հայաստանի վրա էականորեն ազդած հասարակական-քաղաքական իրադարձությունների համատեքստում, մասնավորապես՝ 2018 թվականի թավշյա հեղափոխությունը, 2020 թվականի սկզբին Բովիդ-19 համաճարակը, 2020 թվականի աշնանը Լեռնային Ղարաբաղում զինված հակամարտության սրացումը և դրան հաջորդած ռազմական բախումները Ադրբեյջանի հետ սահմանին, որոնք հանգեցրել են անվտանգության զգալի

սպառնալիքների:

ՈԿԳԵՆՀԳ-ն նպատակ ուներ ուսումնասիրել, թե ինչպես և որքանով են նշված իրադարձություններն ազդել Հայաստանում որոշումների կայացման գործընթացներում ներգրավվելու երիտասարդության պատրաստակամության և ձգտումների վրա, ինչպես են դրսևորվում նրանց գործողություններն ու համոզմունքները այս գործընթացներում և ինչպես են երիտասարդները որոշում ներգրավվել դրանցում:

Ուսումնասիրությունը տրամադրում է քաղաքականության մշակման առաջարկություններ հիմնական պետական և տեղական շահագրգիռ կողմերին՝ երիտասարդներին որոշումների կայացման գործընթացում արդյունավետ ներգրավելու համար:

*Ուսումնասիրության ամբողջական զեկույցը հասանելի է միայն անգլերենով Քաղաքացիական կրթություն և մասնակցություն ծրագրի ArmCivics.am կայքում:*

ՈԿԳԵՆՀԳ-ի գնահատման համար, որպես վերլուծական հիմք, օգտագործվել է ԱՄՆ ՄԶԳ-ի երիտասարդների դրական զարգացման (ԵԴԶ)<sup>1</sup> հայեցակարգը: ԵԴԶ-ի հայեցակարգը բաղկացած է **ստորև նշված չորս տիրույթներից**, որոնք, միասին վերցրած, համարվում են առողջ, արդյունավետ և ներգրավված երիտասարդության չափանիշ:

<sup>1</sup> Երիտասարդության դրական զարգացումը փիլիսոփայություն և ծրագրային մոտեցում է, որը ներգրավում է երիտասարդներին իրենց ընտանիքների, համայնքների և/կամ կառավարությունների հետ միասին, որպեսզի երիտասարդները հ02նարավորություն ունենան օգտագործելու իրենց ողջ ներուժը: ԵԴԶ մոտեցումները զարգացնում են հմտություններ, ակտիվներ և կարողություններ, խթանում են առողջ հարաբերությունները, ամրապնդում են շրջակա միջավայրը և փոխակերպում համակարգերը: <https://www.youthpower.org/positive-youth-development-pyd-framework>

ԵԴԶ ուղենիշներով մշակված քաղաքականություններն ու ծրագրերն աշխատում են երիտասարդների հետ՝ բարելավելու նրանց.

- **Ներքին և արտաքին ռեսուրսներ.** Երիտասարդներն ունեն անհրաժեշտ ռեսուրսներ, հմտություններ և կարողություններ՝ ցանկալի արդյունքների հասնելու համար:
- **Գործունեություն.** Երիտասարդներն ընկալում և կարող են օգտագործել իրենց ակտիվներն ու ձգտումները՝ իրենց կյանքի վերաբերյալ իրենց որոշումները կայացնելու կամ ազդելու և իրենց նպատակները սահմանելու համար, ինչպես նաև գործելու այդ որոշումների համաձայն՝ ցանկալի արդյունքների հասնելու համար՝ առանց բռնության կամ հատուցման վախի:
- **Նպաստող միջավայր.** Երիտասարդները շրջապատված են նպաստող միջավայրով, որն առավելագույնի է հասցնում նրանց ակտիվները, գործողությունների ազատությունը, ծառայությունների և հնարավորությունների հասանելիությունը և ռիսկերից խուսափելու կարողությունը՝ միաժամանակ նպաստելով նրանց սոցիալական և հուզական կարողությունների զարգացմանը:
- **Ներդրում.** Երիտասարդները խրախուսվում են, ճանաչվում և կարող են ներգրավվել ու առաջնորդվել տարբեր ուղիներով՝ որպես փոփոխությունների աղբյուր իրենց և իրենց համայնքների դրական զարգացման համար:

Այսպիսով, ՈԿԳԵՆՀԳ-ի հետազոտական հարցերը նպատակ ունեն բացահայտելու այն **հիմնական ներքին և արտաքին ռեսուրսները, երիտասարդների գործողությունների ազատության դրսևորումները և ներդրումները, ինչպես նաև նպաստող միջավայրի հիմնական առանձնահատկությունները Հայաստանում**, որոնք բնութագրում են երիտասարդների ներգրավվածությունը որո-

շումների կայացման մեջ:

ԵԴԶ ուղենիշների շրջանակը պահպանելով՝ կիրառվել է որակական հետազոտության մեթոդաբանություն՝ մի կողմից ԵԴԶ-ի չորս տիրույթների տեսանկյունից երիտասարդների փորձի և տեսակետների վերլուծությունն ապահովելու համար, մյուս կողմից՝ վերլուծություն այն մասին, թե ինչպես են հիմնական շահագրգիռ կողմերն ընկալում և կիրառում երիտասարդներին որոշումների կայացման մեջ ներգրավումը

Երիտասարդության բնութագրի և որոշումների կայացմանը նրանց մասնակցության մասին ամբողջական պատկերացում կազմելու համար՝ հետազոտության մեջ կիրառվել է խառը մեթոդի մոտեցումը՝ համատեղելով երկրորդային քանակական տվյալների ուսումնասիրությունը և առաջնային տվյալների հավաքագրման որակական մեթոդները: Տվյալների հավաքագրման համար օգտագործվել են հետևյալ մեթոդները.

**a. Գրականության և առկա փաստաթղթերի համապարփակ ուսումնասիրություն.**

- > Փաստաթղթային ուսումնասիրությունն իրականացվել է պարզելու (ա) հայ երիտասարդության բնութագիրը՝ հիմնվելով ժողովրդագրական և սոցիալ-տնտեսական առանձնահատկությունների վրա, ինչպիսիք են տարիքը, սեռը, բնակության վայրը, կրթությունը, աշխատունակությունը և խոցելիության կարգավիճակը: բ) Երիտասարդների ներգրավվածությունը որոշումների կայացման գործընթացներում (ԵՆՈԿԳ) պրակտիկան ԵԴԶ-ի հայեցակարգային շրջանակի տեսանկյունից: գ) քաղաքական, ինստիտուցիոնալ և ֆինանսավորման հնարավորություններ, ներառյալ որոշումների կայացման մեջ երիտասարդներին ներգրավելու համար նպաստող միջավայր ստեղծելու կառավարության հանձնառության մակարդակը: դ) Հայաստանում գործող երիտասարդական քաղաքականությունն ու պրակտիկան:

b. Հիմնական տեղեկատուի հետ և փորձագիտական կիսաստանդարտացված հարցազրույցներ.

> Քսանչորս հարցազրույցներ են անցկացվել երիտասարդական քաղաքականության իրականացման և մոնիտորինգի համար պատասխանատու հիմնական պետական գերատեսչությունների ներկայացուցիչների հետ. համալսարանների ուսանողական խորհուրդներ, Հայաստանում էթնիկ փոքրամասնություն ներկայացնող քաղաքացիական հասարակության կազմակերպություններ (ՔՀԿ), գենդերային հիմնախնդիրներով և կանանց իրավունքներով զբաղվող երկու ՔՀԿ և միջազգային զարգացման ութ գործընկերներ:

> Ինը կիսաստանդարտացված հարցազրույցներ են անցկացվել երիտասարդական երկու հատուկ խմբերի հետ՝ 44-օրյա պատերազմից վերադարձածների և ԼԳԲՏՔ+ համայնքները ներկայացնողների հետ:

c. Ֆոկուս-խմբային քննարկումներ երիտասարդական և քաղաքացիական հասարակության կազմակերպությունների հետ.

> Անցկացվել են 22 ֆոկուս-խմբային քննարկումներ 15-29 տարեկան ավելի քան երկու հարյուր երիտասարդների մասնակցությամբ Երևանում, ինչպես նաև Սյունիքի և Արմավիրի քաղաքային և գյուղական ընտրված համայնքներում: Բացի այդ, երիտասարդների շրջանում առանձնացվել են երեք հատուկ խմբեր, որոնք ներառում են հաշմանդամություն ունեցող երիտասարդներ, էթնիկ փոքրամասնությունների ներկայացուցիչ երիտասարդներ և Լեռնային Ղարաբաղից տեղահանված երիտասարդներ:

> Ութ ֆոկուս-խմբային քննարկումներ են անցկացվել քաղաքացիական հասարակության կազմակերպությունների ներկայացուցիչների և հանրային խորհուրդների ու տեղական ինքնա-

կառավարման մարմինների ներկայացուցիչների հետ:

> Երիտասարդների հարցերով զբաղվող ՔՀԿ-ների քսանյոթ ներկայացուցիչներ մասնակցել են վեց ֆոկուս-խմբային քննարկումների:



## ՀԻՄՆԱԿԱՆ ԲԱՅԱՀԱՅՏՈՒՄՆԵՐ

Երիտասարդության սահմանումների վերաբերյալ բացահայտումները ցույց են տալիս, որ անհրաժեշտ է ավելի լայն, ավելի ամբողջական մոտեցում՝ հայկական համատեքստում երիտասարդությունը սահմանելու համար: Երիտասարդական քաղաքականության փաստաթղթերի ուսումնասիրությունը ցույց է տալիս, որ **չկա երիտասարդության՝ որպես թիրախային խմբի ընդհանուր սահմանում**, և տարբեր քաղաքականություններ ընդունում են երիտասարդության իրենց սահմանումը, որը բացառապես պայմանավորված է տարիքով:

Այդուհանդերձ, շատ քաղաքականություն մշակողներ և պրակտիկայով զբաղվողներ հիմնվում են երիտասարդության ժամանակավոր սահմանման վրա, որն ընդունվել է ՀՀ երիտասարդական պետական քաղաքականության 2021-2025 թթ. ռազմավարության նախագծում, որը սահմանում է երիտասարդներին որպես «13-30 տարիքային միջակայքում պատանեկությունից դեպի չափահաս անցում կատարող անձինք»:

Ուսումնասիրությունը, սակայն, ցույց է տալիս, որ մասնակիցները **բազմաչափ մոտեցում են ցուցաբերում երիտասարդության սահմանմանը** և ընդունում են դրա բարդությունը, որն արտացոլվում է փորձառություններով, կարծիքներով, ծագմամբ, ինքնությամբ և համոզմունքներով, ինչպես նաև նրանց աճի և կյանքի հետազոծերի բազմազանությամբ:

Հայաստանում երիտասարդ մարդիկ երիտասարդությունը սահմանում են որպես տարբեր գործոնների բաղադրիչ, ներառյալ տարիքը, տարբեր տարիքի հասունության աստիճանը, մանկությունից հասուն տարիքի անցումները և

ինքնությունը: Ավելին, երիտասարդների տարբեր սոցիալական խմբեր, երիտասարդությունը սահմանելիս, առաջնահերթությունը տվել են տարբեր գործոնների: Թեև երիտասարդության սահմանումների մեջ չկան տեղանքով պայմանավորված որոշակի տարբերություններ, տարբերությունները տարբեր տարիքային խմբերի և խոցելի խմբերի կողմից առաջարկված սահմանումների միջև բավականին էական են: Այս խմբերի համար իրենց իրավունքներն իրացնելու հնարավորությունները և իրենց ինքնությունը դրսևորելու կարողությունը երիտասարդության վերաբերյալ նրանց սահմանումների կարևոր տարրերն են:

Երիտասարդների ընկալումները և կարծիքներն այն մասին, թե ինչ է ներառում երիտասարդությունը, սերտորեն կապված են **որոշումների կայացման մեջ ներգրավվածության** նրանց ըմբռնման հետ: Երիտասարդների փորձը, ծագումն ու ինքնությունը, որպես տարասեռ խումբ, ըստ երևույթին, խիստ ազդում է ԵՆՈԿԳ-ի նկատմամբ նրանց ըմբռնման և վերաբերմունքի վրա: Որոշումների կայացմանը երիտասարդների բովանդակալից մասնակցության համար հետազոտության մասնակիցները շեշտում են երեք տարր. (ա) նրանց իրավունքներն ու պարտականությունները, (բ) անկախությունը և (գ) մեծահասակների հետ փոխգործակցությունը:

Այն, թե որքանով են այդ տարրերը դրսևորվում երիտասարդների վարքագծում, հարաբերություններում և շրջապատում, կպայմանավորի նաև նրանց մասնակցության աստիճանը որոշումների կայացմանը ընտանեկան, համայնքային և պետական մակարդակներում: Ուսումնասիրությունը ցույց է տալիս, **որ երի-**

**տասարդների ընկալումները ԵՆՈԿԳ-ի վերաբերյալ համահունչ են ԵԴԶ-ի ԵՆՈԿԳ-ի սահմանմանը, այսինքն՝ նրանք համարում են, որ ԵՆՈԿԳ-ը որոշումների կայացման մեջ երիտասարդների և մեծահասակների միջև ներառական, նպատակային, փոխադարձ հարգանքի վրա հիմնված գործընկերություն է:**

Առկա քաղաքականության փաստաթղթերի ուսումնասիրությունը ցույց է տալիս, որ կառավարությունը մտադիր է ընդլայնել ԵՆՈԿԳ-ի, որպես զուտ իրազեկվածության բարձրացման գործառույթի, մակարդակը դեպի ավելի ակտիվ մասնակցություն:

**Ներքին և արտաքին ռեսուրսների տիրույթում** տվյալները ցույց են տալիս, որ և՛ երիտասարդները, և՛ նրանց հետ աշխատող շահագրգիռ կողմերը հայտնում են **բովանդակալից ներգրավվածության համար անհրաժեշտ կարողությունների բացակայության մասին**, ինչպիսիք են քաղաքացիական հմտությունները, հաղորդակցման, բանակցելու և շահերի պաշտպանության հմտությունները՝ չնայած ակտիվների ստեղծման բազմաթիվ երիտասարդական ծրագրերին, որոնք վերջին տարիներին իրականացվել են տարբեր ՔՀԿ-ների կողմից: ՈԿԳԵՆՀԳ-ի կողմից բացահայտված հիմնական պատճառներից մեկը **ողջամիտ հնարավորությունների և համատեքստերի բացակայությունն է, որտեղ երիտասարդները կարող են կիրառել ձեռք բերված հմտություններն** ու գիտելիքները: Երիտասարդական ռեսուրսների վերաբերյալ մեկ այլ կարևոր բացահայտում է **հարթակների, տարածքների և ուղիների մասին իրազեկվածության ցածր մակարդակը**, որոնք հնարավորություն կտան նրանց ներգրավվել որոշումների կայացման գործընթացներում, ավելի շատ՝ պետական, քան համայնքային մակարդակում:

Այս բացահայտումները կարող են ազդել ֆորմալ և ոչ ֆորմալ հաստատությունների կողմից իրականացվող **ծրագրերի արդիականության և արդյունավետության**

**վրա՝** երիտասարդների մոտ ԵՆՈԿԳ-ին համապատասխանող կարողությունների զարգացման գործում:

Հետազոտությունը ցույց է տալիս, որ **անորոշության բարձր մակարդակը, 44-օրյա պատերազմի հետևանքով երկրում ընդհանուր անկայունությունը և դրա հետևանքով երիտասարդների՝ սեփական ապագայի վերաբերյալ զգալի անհանգստությունը, ուղղակիորեն ազդում են երիտասարդների գործունեության վրա:** Այս գործոնները հանգեցնում են երիտասարդության բոլոր խմբերի մասնակցության սահմանափակմանը, ինչը խորանում է ինչպես իրենց համայնքներում, այնպես էլ պետության ներսում վստահության մակարդակի նվազմամբ: Այնուամենայնիվ, երիտասարդների մեծամասնության ապագան ներառում է (ա) կրթությունը շարունակելը (առավել հաճախ՝ 15-24 տարիքային խմբում) և ավելի լավ աշխատանք գտնելը (ավելի մեծ տարիքային խմբում): Մեկ այլ շոշափելի միտում, թե ինչպես են երիտասարդներն ընկալում իրենց ապագան, **երկրում նրանց ապագայի վերաբերյալ իրենց դիրքորոշումների բևեռացումն է:** Մի խումբ հաստատական է, որ պատերազմից հետո պետք է ապրի և աշխատի Հայաստանում, որպեսզի օգնի նրա վերածննդին, մյուսը հիասթափված և հուսալքված է այն աստիճանի, որ վճռական է ամեն գնով լքել երկիրը:

Ինչ վերաբերում է երիտասարդների բարդ փոխազդեցություններին իրենց **սոցիալական համատեքստում**, որն ի վերջո ձևավորում է նրանց գործունեությունը և թույլ է տալիս ձևավորել վարքագծի հատուկ օրինաչափություններ, ուսումնասիրությունը ցույց է տալիս, որ **երիտասարդների կողմից ԵՆՈԿԳ-ի ընկալումների վրա ազդեցությունը հաճախ հիմնված է սեռի վրա**, հատկապես ընտանիքի և համայնքի մակարդակներում: Այսպիսով, անկախ երիտասարդների բնակության վայրից և տարիքից, **տղամարդիկ, հատկապես հայրերը, պապերը և եղբայրները հակված են ավելի վճռական դեր խաղալ**



**Երիտասարդների ընկալումների և որոշումների վրա՝** իրենց ընտանիքներում և համայնքներում որոշումներ կայացնելու հարցում: Այնուամենայնիվ, ընտանիքների շրջանում կա միտում՝ ավելի բաց դառնալու իրենց կրտսեր անդամներին որոշումների կայացման մեջ ներգրավելու հարցում՝ կախված ընտանեկան մշակույթից. որքան ավելի պակաս հայրապետական և հիերարխիկ է ընտանիքը, այնքան ավելի բաց է այն ԵՆՈԿԳ-ի համար: Ընտանիքում ԵՆՈԿԳ-ի վրա ազդող մեկ այլ գործոն անդամների **եկամուտների մակարդակն է:** Տվյալները ցույց են տալիս, որ ամենաբարձր եկամուտ ունեցողները հակված են ունենալ որոշումներ կայացնելու ավելի մեծ ուժ՝ անկախ տարիքից և սեռից: Վերջապես, ուսումնասիրությունը ցույց է տալիս, որ **երիտասարդության գործողությունների ազատությունը որոշվում է նրանց խոցելիությամբ:** Այսպիսով, 44-օրյա պատերազմի մասնակիցներն իրենց ընտանիքներում ավելի բարձր վստահության են արժանացել մարտական գործողություններին մասնակցելուց հետո: Հաշմանդամություն ունեցող երիտասարդները հայտնել են իրենց ընտանիքների խորհրդատվական բնույթի մասին, և որ իրենց լսում են որոշումներ կայացնելիս: Այդուհանդերձ, նրանք բնորոշում են ընտանեկան խնամքի բարձր մակարդակը որպես խոչընդոտ՝ որոշակի իրավիճակներում ավելի մեծ ներգրավվածության համար, որոնք հիմնականում կապված են իրենց աշխատանքի և կրթության հետ: Ընտանեկան որոշումներից ամենաշատը տուժում են ազգային փոքրամասնությունների երիտասարդները:

**Համայնքային մակարդակում երիտասարդների տրամադրվածությունը տեղական ինքնակառավարման մարմինների ղեկավարների և աշխատակազմերի նկատմամբ, մասնավորապես՝ վստահության պակասը և խորհրդակցական երկխոսության բացակայությունը** նրանց գործողությունների ազատության զգացողության վրա ազդող հիմնական գործոններն են, հատկապես ավելի մեծ տարիքի երիտասարդների խմբի

շրջանում: **Վստահությունը համարվում է որպես երիտասարդների ներգրավվածության վրա ազդող վճռորոշ գործոն:** Հիասթափությունները զարգանում են երիտասարդների շրջանում, առավել հաճախ՝ 15-19 տարիքային խմբում, ընդհանրապես մեծահասակների և որոշում կայացնողների կողմից լսված և գնահատված չլինելու պատճառով: Սա հաճախ հանգեցնում է ՈԿ գործընթացներից դուրս մնալուն:

Այսպիսով, գործողությունների ազատության տիրույթում հիմնական բացահայտումն այն է, որ բարդ ճգնաժամերի ժամանակ **հայ երիտասարդությունը դեռևս պահպանում է որոշ դրական համոզմունքներ ապագայի վերաբերյալ, մասնավորապես՝ կապված նրանց անձնական աճի և զարգացման հետ, և ձեռք է բերում որոշումներ կայացնելու որոշակի ուժ իրենց ընտանիքներում, որտեղ ՈԿ-ն կարող է լինել սեռով պայմանավորված: Միևնույն ժամանակ, համայնքային և պետական մակարդակներում ներգրավվածության նրանց ակնկալիքները նվազել են՝ պայմանավորված կենսական անորոշությունների, երկարաժամկետ պլանավորման անկանխատեսելիության և այս մակարդակներում իշխանությունների նկատմամբ վստահության նվազման պատճառով:**

**Ներդրումների** տիրույթին վերաբերող բացահայտումները ցույց են տալիս, որ **ինքնանպատակադրումը և ինքնազարգացումը** երիտասարդների համար հիմնական դրդապատճառներն են՝ կազմակերպչական, համայնքային և պետական մակարդակներում ներդրում ունենալու համար: Հատուկ երիտասարդական խմբերի, մասնավորապես՝ ԼԳԲՏԲ+ երիտասարդների և հաշմանդամություն ունեցողների համար, **ինքնության արտահայտումը նրանց ներգրավվելու հիմնական դրդապատճառն է:** Այս խմբերում ինքնության զարգացումը և ինքնարտահայտումը մեծ դեր են խաղացել երիտասարդության և ընդհանրապես որոշումների կայացման մեջ ներգրավվածության սահմանումների մեջ:

Ինքնությունը, հատկապես ազգային ինքնության դրական արտահայտումը, հիմնական դրդապատճառն է այն համայնքներում ապրող երիտասարդների համար, որոնք ամենաշատն են տուժել Լեռնային Ղարաբաղում հակամարտության սրումից:

**Երիտասարդների ներգրավվածության ամենատարածված ձևը** Հայաստանում՝ կամավորությունը, երիտասարդների կողմից ընկալվում է որպես իրենց ապագան առաջ մղելու, կարիերայի հնարավորություններին օգնելու և իրենց ցանցն ընդլայնելու միջոց: Ուսումնասիրությունը ցույց է տալիս, որ երիտասարդները կարող են հակված լինել ներգրավվելու որոշումների կայացման գործընթացներում, երբ նրանց համոզմունքները քաղաքացիական գործողությունների և հնարավոր փոփոխությունների մասին, որոնց նրանք կարող են հասնել իրենց անձնական կյանքում և իրենց համայնքներում, իմաստալից են: Հետևաբար, ճգնաժամային իրավիճակներում կամավորությունը գերակշռում է ներգրավվածության այլ ձևերի նկատմամբ, և երիտասարդներն ավելի պակաս թերահավատ են որ իրենց ձայնը կլսվի:

Հիմնական գործոնը, որը կխթաներ երիտասարդների ներդրումը որոշումների կայացման մեջ, հետադարձ կապի արդյունավետ մեխանիզմների առկայությունն է, ինչպիսին է երիտասարդների հետ հաղորդակցության ստեղծումը և պահպանումը նրանց մասնակցության և դրա արդյունքների վերաբերյալ: Երիտասարդները նշում են, որ չեն ցանկանում ներգրավվել ապագա որոշումների կայացման ջանքերում, եթե բացակայեն այդպիսի մեխանիզմները:

Երիտասարդների մասնակցության մարտահրավերները ներառում են սեռը, տարիքը, ամուսնական կարգավիճակը և խոցելիությունը: Տարեց և ամուսնացած երիտասարդների ներգրավվածությունը հակված է նվազման, քանի որ նրանք ավելի շատ կենտրոնանում են աշխատանքի, եկամուտ ստեղծելու և

ընտանեկան պարտականությունների վրա: Ընտանեկան պարտականություններ ունեցող 24-29 տարեկան երիտասարդ կանայք հակված են հրաժարվել ներգրավվածությունից՝ շեշտը դնելով երեխաների դաստիարակության և կրթության վրա: Եթե LBGTQ+ երիտասարդները ցանկանում են մասնակցել որոշումների կայացման գործընթացներում համայնքային և պետական մակարդակով, նրանք հակված են թաքցնել իրենց ինքնությունը: Նրանց բնակության տեսակը նույնպես համարվում է առանցքային գործոն, որն ազդում է երիտասարդների մասնակցությանը որոշումների կայացմանը: Տեղահանված երիտասարդները հաճախ չունեն բավարար տեղեկատվություն իրենց նոր համայնքներում բովանդակալից ներգրավվելու համար, իսկ հաշմանդամություն ունեցող երիտասարդները երբեմն չունեն մասնակցության մեխանիզմներ՝ հաճախ կախված հաշմանդամության տեսակից:

Ինչ վերաբերում է ներդրման ձևերին, երիտասարդները և նրանց հետ աշխատող շահագրգիռ կողմերը կարծում են, որ մասնակցության ավանդական ձևերը, ինչպիսիք են մասնակցությունը ընտրություններին և ֆորմալ քաղաքականությանը, կարևոր են, և երիտասարդները ներգրավված են ներդրման նման ձևերում: Օրինակ՝ քաղաքականության մեջ անմիջականորեն ներգրավվածությունը նշվել է որպես թավշյա հեղափոխությունից հետո երիտասարդների ներդրում ունենալու ուղիներից մեկը: Չնայած իրենց գործունեության մեջ երիտասարդների թվի նվազմանը, ՔՀԿ-ները դեռևս դիտվում են որպես երիտասարդների ներգրավման կենսունակ հարթակներ, հատկապես խոցելի երիտասարդների համար, ինչպիսիք են հաշմանդամություն ունեցող երիտասարդները և ԼԳԲՏԲ+ համայնքները: Նրանց համար ՔՀԿ-ները շարունակում են մնալ որպես կոլեկտիվ ներգրավվածության արդյունավետ ուղիներ և տարածքներ:

Այս ուսումնասիրությունը ցույց է տալիս երիտասարդների շրջանում թվային մաս-

նակցության անկում: Երիտասարդները սկսել են թերահավատորեն վերաբերվել սոցիալական մեդիայի և/կամ թվային հարթակների արժեքին և նախընտրում են օգտագործել այլ ուղիներ՝ իրենց ձայնը բարձրացնելու համայնքային խնդիրների մասին, օրինակ՝ անմիջականորեն մոտենալը պատասխանատու անձին: Էական գործոնը, որն ազդել է սոցիալական մեդիայի և ընդհանրապես թվային տարածության օգտագործման վրա, վերագրվում է 44-օրյա պատերազմից հետո լրատվամիջոցների տեղեկատվության նկատմամբ աճող անվստահությանը և, մասնավորապես, սոցիալական լրատվամիջոցների միջոցով տարածվող կեղծ լուրերին: Ավելի փոքր համայնքներում թվային մասնակցությունն ավելի հազվադեպ է, քանի որ երիտասարդները հակված են ներգրավվել անձնական ցանցերի միջոցով, և նրանք չունեն թվային հարթակներ մուտք գործելու հնարավորություն: Այնուամենայնիվ, թվային մասնակցությունն ավելի ու ավելի է գնահատվում հաշմանդամություն ունեցող երիտասարդների շրջանում:

Նպաստող միջավայրը բնութագրվում է երիտասարդներին միտված համապարփակ քաղաքականության բացակայությամբ, և սա շարունակում է մնալ հիմնական առաջնահերթությունը քաղաքականություն մշակողների համար: Թեև կառավարությունը ընտրել է իրավակարգավորող դաշտի, այլ ոչ թե քաղաքականության շրջանակի մշակման մոտեցումը, և՛ երիտասարդները, և՛ մյուս շահագրգիռ կողմերը, հատկապես քաղաքացիական հասարակությունը, կարծում են, որ քաղաքականության մշակման գործընթացի թափանցիկությունն ու ներառականությունը բավականին սահմանափակ է: Միայն շատ սահմանափակ թվով միջազգային կազմակերպություններ և ՔՀԿ-ներ են ներգրավված գործընթացում: Բացի այդ, երիտասարդության հետ կապված քաղաքականության մշակման և իրականացման համար պատասխանատու հանրային գերատեսչությունների սահմանափակ կարողությունները և քանակը,

մարտահրավեր է սպասվող օրենքի կիրարկման համար: Հետազոտությունը ցույց է տալիս, որ երիտասարդների ներգրավման համար գոյություն ունեցող ինստիտուցիոնալ հարթակները, ինչպիսիք են երիտասարդական խորհուրդները և երիտասարդական կենտրոնները, համարվում են անարդյունավետ, քանի որ չունեն անկախություն և գործող մեխանիզմներ, որոնք կգործեին առանց բարձրաստիճան պետական պաշտոնյաների կողմից փոփոխությունների ենթարկվելու:

ՔՀԿ-ների նշանակալի դերը երիտասարդության կարողությունների զարգացման գործում հաստատվել է այս ուսումնասիրության մեջ: Որպես ԵՆՈԿԳ-ի ամենամեծ շահագրգիռ կողմերից մեկը՝ ՔՀԿ-ները երիտասարդներին առաջարկում են վերապատրաստում կարիերայի և աշխատանքի հետ կապված հմտությունների, բանակցային, հաղորդակցման և քննադատական մտածողության հմտությունների, ինչպես նաև SS հմտությունների և առարկայական հատուկ թեմաների, ինչպիսիք են շրջակա միջավայրը և մի քանի այլ թեմաներ: Այնուամենայնիվ, փափուկ հմտությունները համարվում են այն հմտությունները, որոնց կարիքն ամենաշատն ունեն երիտասարդները՝ ՈԿ-ի մեջ ավելի արդյունավետ ներգրավվելու համար: ՔՀԿ-ները նաև շարունակում են լինել ապահով տարածքներ երիտասարդների համար, և դա հատկապես կարևոր է սոցիալապես անապահով երիտասարդների համար, ինչպիսիք են հաշմանդամություն ունեցող երիտասարդները, ԼԳԲՏՔ+ և մասամբ երիտասարդ կանայք:

ՈԿԳԵՆՀԳ-ն ցույց է տալիս նաև, որ երիտասարդների ներգրավման պաշտոնական հարթակները, ինչպիսիք են տարբեր հասարակական և ուսանողական խորհուրդները, հանդիսանում են անվանական, այլ ոչ թե բովանդակալից ԵՆՈԿԳ, և շատ երիտասարդներ տեղյակ չեն դրանց մասին: Համայնքային երիտասարդական կենտրոնները, որոնք ստեղծվել են դոնորների և/կամ պետական

Ֆինանսավորման միջոցով, պետք է լրացուցիչ գնահատվեն երիտասարդներին բարենպաստ ծառայությունների մատուցման առումով և թե ինչպես են նրանք ներգրավում երիտասարդներին իրենց առաջարկած ծառայությունների և ծրագրերի նախագծման, իրականացման և գնահատման հարցում:

Վերջապես, հայկական համատեքստում սովորաբար հանդիպող կապերը, ազգակցական և հասակակիցների շրջապատները կարևոր դեր են խաղում երիտասարդների մասնակցային վարքագիծն իրենց ընտանիքներում և համայնքներում սահմանելու գործում:

## ՀԻՄՆԱԿԱՆ ԱՌԱՋԱՐԿՈՒԹՅՈՒՆՆԵՐ

### Պետական քաղաքականություն մշակողներին

1. Քաղաքականության և իրավակարգավորման դաշտում որդեգրել երիտասարդության սահմանման համընդգրկուն մոտեցում, որն արտացոլում է երիտասարդության և՛ տարիքային, և՛ սոցիալական ասպեկտները և նրանց մասնակցության ձևերը:
2. Երիտասարդների և համապատասխան փորձագետների մասնակցությամբ կազմակերպել համապետական խորհրդակցություններ՝ քննարկելու թե ինչպես կարող են հաղթահարվել 44-օրյա պատերազմի և դրա հետևանքների արդյունքում երիտասարդների ապատիան և հրաժարումը քաղաքացիական և քաղաքական ներգրավվածությունից, և թե ինչ համապատասխան մեխանիզմներ կարող են ներդրվել երիտասարդական քաղաքականության և ծրագրերի մեջ:
3. Ապահովել երիտասարդների ներգրավվածությունը բնակչության բոլոր շերտերից, ներառյալ մարգինալացված և այլ կերպ խոցելի երիտասարդներին, ծրագրերի, քաղաքականության և ռեսուրսների ներդրման մշակման, իրականացման, մոնիտորինգի և գնահատման բոլոր փուլերում:
4. Ստեղծել և օգտագործել երիտասարդներին հարմարեցված հետադարձ կապի մեխանիզմներ՝ արձագանքելու երիտասարդների ներգրավվածությանը որոշումների կայացման տարբեր մակարդակներում, անկախ դրա արդյունքից:
5. Ներգրավել երիտասարդներին որպես արժեքավոր գործընկերներ՝ որոշելու լավագույն մեթոդներն ու մեխանիզմները, որոնցով նրանք լավագույնս կներգրավվեն կրթական հաստատություններում, համայնքային և պետական մակարդակներում որոշումների կայացման մեջ:
6. Իրականացնել լայնածավալ խորհրդակցություններ բոլոր համապատասխան շահագրգիռ կողմերի և երիտասարդության հետ՝ առավելապես երիտասարդության մասին նոր օրենքի և ռազմավարական փաստաթղթերի մշակման թեմայով: Այս խորհրդակցությունների արդյունքների վերաբերյալ նախատեսել հետադարձ կապի մեխանիզմներ և տեղեկացնել շահագրգիռ կողմերին դրանց կիրառման, ինչպես նաև արդյունքների և նրանց մասնակցության ազդեցության մասին:

7. Ապահովել, որ երիտասարդական քաղաքականության և ծրագրերի հետ կապված հանդիպումները, խորհրդակցությունները և միջոցառումները հարմարեցված լինեն երիտասարդների համար, օգտագործեն հստակ և մատչելի լեզու, որպեսզի նրանք հասկանան և ներգրավվեն:
8. Ապահովել պետության, զարգացման միջազգային գործընկերների, ՔՀԿ-ների և այլ համապատասխան կառույցների կողմից առաջարկվող երիտասարդական ծրագրերի և ծառայությունների արդյունավետ համակարգումը՝ երիտասարդական ոլորտում ռեսուրսների ներդրումն ավելի արդյունավետ դարձնելու համար:
9. Հավաքագրել և, անհրաժեշտության դեպքում, ստեղծել երիտասարդության հետ կապված քաղաքականության և ծրագրերի նախագծման և իրականացման տվյալների բազա և այն հասանելի դարձնել բոլոր շահագրգիռ մարմինների և անհատների համար:
10. Ընդլայնել ինստիտուցիոնալ կառույցները, որոնք պատասխանատու են երիտասարդական քաղաքականության մշակման և իրականացման համար՝ հատկացնելով բավարար մարդկային, նյութական և ֆինանսական ռեսուրսներ և ապահովել պետական մարմինների կարողությունների զարգացումը:
11. Վերահսկել և գնահատել դպրոցներում քաղաքացիական կրթության, ինչպես ուսումնական, այնպես էլ արտադասարանական, ծրագրերի արդյունավետությունն ու արդիականությունը, և արդյունքները ներառել նոր կրթակարգի բարեփոխումների մշակման մեջ:
12. Վերանայել երիտասարդական կենտրոնների հայեցակարգը որպես «անվտանգ և մասնակցային տարածքներ» երիտասարդների համար՝ բացահայտելու և զարգացնելու իրենց սեփական գաղափարները և հանդիպելու որոշումներ կայացնողների հետ: Սրանք պետք է թույլ տան երիտասարդներին բացահայտ ներկայացնել իրենց գաղափարները և ինքնարտահայտվել՝ առանց խոչընդոտներ ստեղծելու երիտասարդների շրջանում:

### Տեղական ինքնակառավարման մարմիններին

13. Ապահովել երիտասարդներին միտված արդյունավետ հաղորդակցման ուղիներ՝ ինչպես առցանց, այնպես էլ օֆլայն, և հանրայնացնել երիտասարդների ներգրավման ուղիները, ներառյալ այն վայրերը, որտեղ երիտասարդներն արդեն հաճախում են (դպրոցներ, համալսարաններ, երիտասարդական կենտրոններ, ՔՀԿ-ներ):
14. Զարգացնել ՏԻՄ-երի երիտասարդության հետ հաղորդակցվելու կարողությունները՝ ուսումնասիրելով թիրախային երիտասարդական խմբերի հետ շփման լավագույն ռազմավարությունները: Օգտագործել հաղորդակցման տարբեր ռազմավարություններ (ներառյալ ֆիզիկական, թվային, դպրոցական և այլընտրանքային համայնքային տարածքներ) տարբեր տարիքի երիտասարդների և սոցիալական խմբերի համար՝ հաշվի առնելով, թե որն է լավագույնը յուրաքանչյուր խմբի համար: Ընդունել օգտագործողի համար առավել հարմար լեզվի և հաղորդակցման ռազմավարություններ, որոնք հնարավորություն կտան երիտասարդներին ավելի հաճախ ներգրավվել համայնքի հետ կապված խնդիրների շուրջ:
15. Իրականացնել և պահպանել երիտասարդական կազմակերպությունների և այլ ոչ պաշտոնական նախաձեռնությունների քարտեզագրում՝ բարելավելու երիտասարդների ներգրավման գործողությունների համակարգումը՝ չբացառելով տարբեր երիտասարդական խմբերը:

16. Ապահովել երիտասարդության տարբեր խմբերի ներգրավվածությունը համայնքային ծրագրերի և միջոցառումների պլանավորման, իրականացման և մոնիտորինգի մեջ, ինչպիսիք են համայնքի զարգացման հնգամյա ծրագրերը:

17. Համոզվել, որ երիտասարդների ներգրավվածությունը ներառում է ընտանիքից սկսած մինչև քաղաքականություն եղած բոլոր մակարդակները և այդ հաստատել կապեր այդ մակարդակների միջև:

18. Տարածաշրջանային և համայնքային պաշտոնական տարածքներից դուրս երիտասարդների համար ապահովել հանդիպումների անվտանգ և հարմար տարածքներ և նրանց հետ ներգրավվել բաց երկխոսության ու մտքերի փոխանակության մեջ:

## ՔԿ-ներին

19. Գնահատել երիտասարդների կարողությունների զարգացման ծրագրերի արդյունավետությունն ու համապատասխանությունը, որպեսզի դրանք երիտասարդներին օգնեն ընկալել տեխնիկական բովանդակությունը, սոցիալ-քաղաքական համատեքստը և շահագրգիռ կողմերին՝ որոնց հետ նրանք համագործակցում են: Ապահովել սովորելու և պրակտիկայի հնարավորություններ, որտեղ երիտասարդները կարող են կիրառել իրենց ձեռք բերած կարողությունները:

20. Ծրագրային գործողություններում նպատակ դնել թիրախավորելու երիտասարդության ավելի լայն շերտերին, ներառյալ «չկազմակերպված երիտասարդներին», այսինքն՝ այն երիտասարդներին, ովքեր չեն ներկայացնում որևէ կազմակերպություն, ինչպես նաև ավելի քիչ հնարավորություններ ունեցող երիտասարդներին: Սա թույլ կտա խուսափել երիտասարդների միևնույն խմբի հետ աշխատելու անարդյունավետ մոտեցման կաղապարից:

21. Ապահովել, որ երիտասարդներին ուղղված ծրագրային գործողությունները հավասարապես թիրախավորեն նրանց աշխատանքն իրենց ընտանիքների և համայնքների հետ:

22. Նպաստել համայնքների և/կամ կառավարության և երիտասարդական խմբերի միջև համագործակցության զարգացմանը, որպեսզի երիտասարդները կարողանան ներգրավվել համայնքային աշխատանքում և ունենան կամավորություն անելու հնարավորություններ:

23. Գործընկերություն հաստատել երիտասարդական կազմակերպությունների և տեղական ու պետական իշխանությունների միջև՝ երիտասարդների համար մենթորության ծրագրերը խթանելու համար:





## «Քաղաքացիական կրթություն և մասնակցություն» ծրագիր

Ծրագիրը հնարավոր է դարձել Ամերիկայի ժողովրդի  
աջակցությամբ՝ ԱՄՆ ՄԶԳ միջոցով: